

ଫିଲିପୀୟମାନଙ୍କ ନିକଟକୁ ପାଉଲଙ୍କ ପତ୍ର ପିଲିପିୟଙ୍କଠାରେ ଡାଗ୍ରା ପାଉଲ୍‌ଙ୍କ ଉଲିଆଃ ପିଲିପିୟ ବଇ ବିସୟରେ ଉଠଡ଼ିକ୍ଲିଗ୍ ସାମୁଆଁ

ଜିସୁ କିସ୍ତ ଜନମନେ ପାକାପାକି ୬୧ ମୁଆଁ ଇଡ଼ିଂ ପାଉଲ୍ ଫିଲିପି ମଣ୍ଡଲିନେ ବିସ୍‌ବାସିଇଂନେ ଡାଗ୍ରା ଉଲିଆଃ ଗୁଆରୁକେ । ତିଂଲେଃଏ ପାଉଲ୍ ରୋମ୍‌ନିଆ ବନ୍ଦି ଲେଃଃଗ୍ରେ ବେଲା ମେଁ ଆକେନ୍ ଉଲିଆଃ ଗୁଆରୁବଗେ ୧:୧୩ । ଫିଲିପି ସହର୍ ବିତ୍ରେ ଆଃ ତିଆର୍ ତିଂକ୍ଲେ ମଣ୍ଡଲି ଡାଗ୍ରା ଆକେନ୍ ଉଲିଆଃ ଗୁଆରୁବଗେ । ନେ ପ୍ରେରିଡ଼ ଉଲିଆଃନିଆ ଶ୍ରିଗ୍ ଉଠଡ଼ିକ୍ଲିଗ୍ ସାମୁଆଁ ଫିଲିପି ସାସ୍ତ୍ର ବିସୟରେ ମ୍ୟାଃନେତିଂକେ । ଫିଲିପି ମାକିଦନିଆ ଦେସନେ ରାଜ୍‌ଦାନି ସହର୍ ଲେଃଃଗେ । ଆକେନ୍ ମାକିଦନିଆନିଆ ତିଆର୍ ତିଂକ୍ଲେ ପର୍ତ୍ତୁମ୍ ମଣ୍ଡଲି ଲେଃଃଗେ । ପାଉଲ୍ ଆରି ଶୀଲା କୁଡ଼େଃରେ ଆକେନ୍ ମଣ୍ଡଲି ଆରାମ୍ ତିଂବଆରୁଗେ ଆରି ଶ୍ରିଗ୍ ଆଡ଼ଅରିଆ ଲେଃଆରୁକ୍ଲେ ବେଲା ମୁଇଂ ମିଡିଗ୍ ନ୍ୟା ଆମେଇଂକେ କଇଦ୍ ତୁଆନିଆ ବଆରୁଗେ ପ୍ରେରିଡ଼ ୧୬ ।

ତିଂଲେଃଏ ପାଉଲ୍ ଆକେନ୍ ଉଲିଆଃ ଗୁଆରୁନେ ଗୁଲେ ଇକ୍ତା ଲେଃଏ । ମେଁ ବନ୍ଦି ଲେଃଃକ୍ଲେ ସାମୁଆଁ ଅଆରୁଚେ ମଣ୍ଡଲିନେ ରେମୁଆଁଇଂ ଚାନ୍ଦା ରାଃସିକ୍ତେ ବେବଆରୁକ୍ଲେ ନ୍ୟା ମଣ୍ଡଲିକେ ଦନ୍‌ବାଦ୍ ବିଃନେ ଇକ୍ତା ତିଂଚେ ଉଲିଆଃ ଗୁଆରୁତିଂକେ ୪:୧୦-୧୯ । ମେଁ ଶ୍ରିଗ୍ ମେଁନେ ବନ୍ଦି ଅବସ୍ତାନେ ସାମୁଆଁ ଏତେ ମଣ୍ଡଲିନିଆ ତିମତି ବାରି ଏପାଫ୍‌ଦିତକେ ଆଦେସ୍ ବିଃତିଂକେ ବିସ୍‌ବାସିଇଂ ତିରକମ୍ ମେଇଂକେ ମାନେଃରେ ସାଲ୍‌ଆରୁଏ ବାରି ମେଁନେ ନେତା କାମ୍‌ନିଆ ସନ୍‌ମାନ୍ ବିଃଆରୁଏ ୨:୧୯-୩୦ ।

ସାସ୍ତ୍ର ବିତ୍ରେ ଲେଃକ୍ଲେ ସାମୁଆଁଇଂ

- ୧. ଫିଲିପ୍ପି ମଣ୍ଡଳିକେ ପାଉଲ୍‌ନେ ସାର୍ଲ । ୧:୧-୨
- ୨. ପାଉଲ୍‌ନେ ଅବସ୍ତା ଆରି ମୈନେ ଚିନ୍ତା । ୧:୩-୨:୩୦
- ୩. ବିସ୍‌ବାସିଇଁକେ କିସ୍‌ଟିୟ ଜିବନ୍ କାଟେ ନ୍‌ସା ପାଉଲ୍‌ନେ ଆଦେସ୍ । ୩:୧-୪:୯
- ୪. ଫିଲିପ୍ପି ମଣ୍ଡଳିଇଁ ଚାନ୍ଦା ବିଃଆର୍‌କ୍‌ସା ପାଉଲ୍‌ନେ ସାର୍ଲ ଆରି ଦନ୍‌ୟବାଦ୍ ବିଃଡ଼ିଁକେ । ୪:୧୦-୨୩

୧ ପାଉଲ୍ ବାରି ତିମତି କିସ୍‌ଟି ଜିସୁନେ ମ୍ବାୟା ସେବାରେ ପିଲିପ୍ପିନ୍ନିଆ ଲେଃଠେ କିସ୍‌ଟି ଜିସୁନେ ପାଙ୍ଗଲେକ୍‌କେ ସାପା ସାଦୁନେ ଡାଗ୍ରା ବାରି ପୁଜାରି ବାରି ସେବକ ଡାଗ୍ରା ଗୁଆର୍‌ଡ଼ିଁକେ ।

୨ ନେଁଇଁନେ ଆବା ଇସ୍‌ପର୍ ବାରି ମାପୁ ଜିସୁ କିସ୍‌ଟିନେ ବାନ୍ ଲିବିସ ବାରି ସାନ୍ତି ପେଇଁନେ ଆଡାଡା ଡିଙ୍ଗଲେ ।

ପଡେଣ୍ଡେଇଁନେ ନ୍‌ସା ପାଉଲ୍‌ନେ ପାର୍‌ଡନା

୩ ନେଙ୍ଗ୍ ଆପେକେ ଉଡ଼ିତର୍ ମନେ ଶ୍ରିଏ ଅଃଡେନ୍ ତର୍ ନେଙ୍ଗ୍‌ନେ ଇସ୍‌ପର୍‌କେ ଦନ୍‌ୟବାଦ୍ ମ୍ବିଏ ।

୪ ଗୁଲ୍‌ଏ ତର୍ ପେଇଁନେ ପାର୍‌ଡନା ଡିଙ୍ଗ୍‌ନେ ବେଲା ସାର୍‌ଦା ଡିଙ୍ଗ୍‌ରେ ପାର୍‌ଡନା ଡିଙ୍ଗ୍‌ପା ।

୫ ଡାଗ୍ଲା ପେଇଁନେ ବିସ୍‌ବାସ୍‌ନେ ମୁଲ୍‌ଦିନ୍ ବାନ୍ ଏଃଜାକ ଆନେଙ୍ଗ୍‌କେ ପେ ବିସ୍‌ବାସ୍ ଡିଙ୍ଗ୍‌ରେ ପାଙ୍ଗ୍ ପେଡିଙ୍ଗ୍‌କେ ।

୬ ଡାଗ୍ଲା ଜାଣ୍ଡେ ପେଇଁନେ ବିଡ୍ରେ ନିମାଣ୍ଡା କାମ୍ ମୁଲେବକେ ମେଁ କିସ୍‌ଟି ଜିସୁନେ ପାଙ୍ଗ୍‌ନେ ଦିନ୍ ଜାକ ଆଡେନ୍ ମାନେଃରେ ସମାନ୍ ଆଃଡିଙ୍ଗ୍‌ଏ ଆକେନ୍ ନେଙ୍ଗ୍ ସଡ୍‌ବାବରେ ବିସ୍‌ବାସ୍ ଶ୍ରିଙ୍ଗ୍‌ଏ;

୭ ପେଇଁ କାଲାଆଃ ନେଙ୍ଗ୍ ଡାଗ୍ରା ନେଙ୍ଗ୍ ମନ୍‌ନ୍ନିଆ ପେଲେକେ; ତେସା ପେଇଁନେ ବିସ୍‌ୟରେ ଦେକ୍ ରକମ୍ ବାବେନେ ନେଙ୍ଗ୍ ଡାଗ୍ରା ନିମାଣ୍ଡା । ନେଙ୍ଗ୍ ନିମାଣ୍ଡା ଲେଃନେ ବେଲା ବାରି ଏବେ ଏନ୍ ରନ୍ଦି ଅବସ୍ତାନ୍ନିଆ ନିମାଣ୍ଡାସାମୁଆଁନେ ତିଆର୍ ତିଁନେ ବାରି ରକ୍ୟା ନ୍‌ସା କାମ୍ ଡିଙ୍ଗ୍‌ନେସା ଇସ୍‌ପର୍ ଆନେଙ୍ଗ୍ ଆଣ୍ଡିନେ ସୁଜଗ୍ ବିବକେ, ପେଇଁ ସାପାରେ ଆକ୍‌ଅରିଆ କୁଡେଃପା ।

୮ ପେ ସାପାରେନେ ଆଡାଡା ନେଙ୍ଗ୍‌ନେ ଜାବର୍ ଆସାଇ ନିଜେ ଜିସୁ କିସ୍‌ଟିନେ ବାନ୍ ନେଙ୍ଗ୍ ବାନ୍‌ନେଃକେ ଡାଗ୍‌ରେ ଉଡ଼ିବେଲା ନେଙ୍ଗ୍ ମ୍ବାସଙ୍‌ଏ ଏନ୍ ସଡେଆ ସଡ୍ । ଇସ୍‌ପର୍ ଏନ୍ ସାକି ଲେଃକେ ।

୯ ନେଙ୍କ ପାରତନା ଶୁଙ୍ଖ୍ୟ ଡିରକମ୍ ସତ୍ତନେ ବୁଦି ବାରି ନ୍ୟାୟ ବିଚାର ଏତେ ପେଇଁନେ ଆଲାଦ୍ ଜାବର୍ ବାନ୍ ଜାବର୍ ମ୍ଲାଏ

୧୦ ବାରି ପେଇଁ ଡିରକମ୍ ମ୍ଲା ବିସୟ୍ ସାପା ମନ୍ତିଙ୍ଗ୍ ପେୟାଏ । ତେଲା ପେଇଁ କିସ୍ତନେ ପାଇଁନେ ଦିନା ପବିତ୍ର ବାରି ନିନ୍ଦା ଶୁ ପେଲେୱଏ

୧୧ ବାରି ଇସପର୍ତ୍ତନେ ଗଉରବ୍ ବାରି ପ୍ରସଂସା ନସା ପେଇଁନେ ପାରାନ୍ ଜିସୁ କିସ୍ତ ତିଆର୍ ତିଙ୍ଗ୍ଲେ ସାପା ନିମାଣ୍ଡା ଗୁନ୍ ଗ୍ୟାନ୍ ପେଡିଙ୍ଗ୍ ।

କିସ୍ତ ନେଇଁନେ ଜିବନ୍

୧୨ ଅ ନେଙ୍କନେ ବୟାଁଇଁ ବାରି ତନାଇଁ ଆପେକେ ଆୱଅଁନେ ଚାଏଁଶୁଁକେ ଜେ ନେଙ୍କ୍ ଆଡ଼ାଡ଼ା ମେଁ ମେୱମେୱନେ ଗଟେଲେୱକେ ଆତେନ୍ ନିମାଣ୍ଡାସାମୁଆଁନେ ଆମ୍ଲା ନସା ତିଙ୍ଗ୍ଲେକେ ।

୧୩ ଇଡିଙ୍ଗ୍ ଆକ୍ନେ ସାପା ପର୍ସାଦ୍ ଆୱମ୍_ଶ୍ଟେ ବାରି ବିନ୍ ସାପାରେ ମ୍ୟାଲେୱକେ ଜେ କିସ୍ତନେ ସେବାରେ ତିଙ୍ଗ୍ନେଲେୱଲା ନେଙ୍କ୍ ଏବେ ବନ୍ଦି ତୁଆନ୍ନିଆ ନ୍ଲେୱକେ ।

୧୪ ମାତର୍ ନେଙ୍କ୍ ବନ୍ଦି ତିଙ୍ଗ୍ଲେଲା ଗୁଲୁଏ ବୟାଁ ବାରି ତନାଇଁ ମାପୁନେ ଆଡ଼ାଡ଼ା ଜାବର୍ ବିସ୍ବାସ୍ ନ୍ଲେୱକେ ବାରି ଏନ୍ ଇଡିଙ୍ଗ୍ ମାବଟକ୍ଟା ଇସପର୍ତ୍ତନେ ସାମୁଆଁ ବାସଙ୍ଗ୍ ଅଲେଙ୍ଗ୍ ନସା ମେଁଇଁନେ ସାଆସ୍ ମ୍ଲା ଲେୱକେ ।

୧୫ ଜାଣ୍ଡେ ଜାଣ୍ଡେ ଇସା ଆରି ରିଙ୍ଗ୍ଆୱ ନସା କିସ୍ତକେ ପର୍ତ୍ତାର୍ ତିଆର୍ଡିଁକେ ସତ୍ ମାତର୍ ଆରି ଜାଣ୍ଡେ ଜାଣ୍ଡେ ସତ୍ ବାବ୍ରେ ଆତେନ୍ ତିଆର୍ଡିଁକେ ।

୧୬ କ୍ଲେଇଁ ଦେକ୍‌ରକମ୍ ତିଙ୍ଗ୍ ନସା ଆଲାଦ୍ ତିଆର୍ଡିଁକେ । ଡାଗ୍ଲା ମେଇଁ ମ୍ୟାଲେୱଆର୍କେ ଜେ ଇସପର୍ ଆନେଙ୍କ୍ ନିମାଣ୍ଡାସାମୁଆଁ ରକ୍ୟା ତିଙ୍ଗ୍ ନସା ଦାଇଡ୍ ବିବକେ ।

୧୭ ବିନ୍‌ଶ୍ଟେଇଁ ବିସ୍ବାସ୍ ବାବ୍ରେ କିସ୍ତନେ ସାମୁଆଁ ମାବାସଙ୍ଗ୍‌ରେ ନିଜର୍ ସୁକ୍ ସୁବିଦା ନସା ଆତେନ୍ ତିଙ୍ଗ୍ଆର୍ଏ । ନେଙ୍କ୍ ବନ୍ଦି ତୁଆନ୍ନିଆ ଲେୱନେବେଲା ନେଙ୍କ୍ ମନ୍ନିଆ ଜାବର୍ କସ୍ ବିନ୍‌ସା ମେଇଁ ଆତେନ୍ ତିଙ୍ଗ୍‌ବଆର୍କେ ।

୧୮ ଆଡ଼ଅରିଆ ବାରି ମେଃମେଃନେ ? କୁଟ୍ ବାବ୍ରେ ଡିଙ୍ଗଲେଃ ବାରି ଦରମ୍ ବାବ୍ରେ ଡିଙ୍ଗଲେଃ ଡିରକମ୍ ଡିଗ୍ କିସଟ୍ ବାସଙ୍ଗକେ ଏନ୍‌ବାନ୍ ନେଙ୍ଗ୍ ସାଦା ଡିଙ୍ଗ୍‌ଶିଂକେ ଅଁ ସାଦା ଶ୍ରିଙ୍ଗ୍‌ଏ ।

୧୯ ଡାଗ୍ଲା ନେଙ୍ଗ୍ ମ୍ୟାକ୍ଲେଃକେ ପେଇଂନେ ପାର୍‌ତନା ବାରି ଜିସୁ କିସଟ୍‌ନେ ଆମ୍‌ନେ ସାଇଜ ବାନ୍ ନେଙ୍ଗ୍ ଉଦାର୍ ମ୍‌ଏ ।

୨୦ ଏନ୍ ବିସୟ୍‌ରେ ନେଙ୍ଗ୍‌ନେ ମୁଇଂ ଆଃ ଆସା ବାରି ଆସା ଲେଃକେ ଜେ ନେଙ୍ଗ୍ ମେଃଡିଗ୍ ବିସୟ୍‌ରେ ଗିଆସ ନାଡିଙ୍ଗ୍ ଶୁ ମାତର୍ କାଲାଆଃ ଡିରକମ୍ ଏବେ ଡିଙ୍ଗ୍ ଦେଡ୍‌ରକମ୍ ଜାବର୍ ସାଆସରେ ପାରାନ୍ ଡିଙ୍ଗ୍‌ଲେ ଶୁଲା ଗୁଏନେ ଡିଙ୍ଗ୍‌ଲେ କିସଟ୍‌କେ ନେଙ୍ଗ୍‌ନେ ମନ୍‌ନ୍ନିଆ ଆଲାଦ୍ ଶ୍ରିଙ୍ଗ୍‌ଏ ।

୨୧ ଡାଗ୍ଲା ନେଙ୍ଗ୍ ଆଡାଡା ପାରାନ୍ ଆମ୍‌ନେ କିସଟ୍ ବାରି ଗୁଏଲା ବଲ୍ ଡିଙ୍ଗ୍‌ଏ ।

୨୨ ଡାଗ୍ଲା ଜଦି ବୁଆଲେଃରେ ନେଙ୍ଗ୍ ମାଲେ ଗ୍ୟାନ୍ ବାନେ କାମ୍ ଶ୍ରିଙ୍ଗ୍‌ଏ । ତେଲା ବୁଆନେ ବାରି ଗୁଏନେ ଆଜାକେ ଇକ୍‌ଟା ଶ୍ରିଙ୍ଗ୍‌ଏ ଆଡେନ୍ ନେଙ୍ଗ୍ ନ୍ନାମ୍ୟାକେ ଶୁ ।

୨୩ ନେଙ୍ଗ୍ ମ୍‌କ୍ଲିଗ୍ ବିସୟ୍ ଡୁଙ୍ଗ୍‌ଝେରେ ମାଲେ ସମସ୍ୟା ଡିଙ୍ଗ୍‌ଲେକେ; ନିଜର୍ ରେମୁଆଁ ବାନ୍ ଆଡାଡା ବିଚେ କିସଟ୍‌ନେ ଏଡେ ଲେଃନ୍‌ସା ନେଙ୍ଗ୍‌ନେ ଇକ୍‌ଟା । ଡାଗ୍ଲା ଆଡେନ୍ ମାଲେ ସାପାଟୁ ମ୍‌ୟ ।

୨୪ ମାତର୍ ପେଇଂନେ ସା ନେଙ୍ଗ୍‌ନେ ବୁଆଲେଃନେ ମାଲେ ଦର୍‌କାର୍ ।

୨୫ ନେଙ୍ଗ୍ ଏନ୍ ବିସୟ୍‌ରେ ସଡ୍ ଏନ୍‌ସା ନେଙ୍ଗ୍ ମ୍ୟାକ୍ଲେଃକେ ନେଙ୍ଗ୍ ବୁଆ ନ୍‌ଲେଃଏ । ପେଇଂନେ ବିସ୍‌ବାସ୍‌ରେ ଉର୍‌ନତି ବାରି ସାଦା ନ୍‌ସା ନେଙ୍ଗ୍ ପେ ସାପାରେନେ ଏଡେ ଲେଃଏ ।

୨୬ ତେଲା ପେଇଂ ଜିବନ୍‌ରେ ଜିସୁ କିସଟ୍‌ନେ ଏଡେ ମିସୁଃଲେଃରେ ନେଙ୍ଗ୍ ନ୍‌ସା ଜାବର୍ ଗରବ୍ ବାବେ ପେୟାଏ ।

୨୭ ନେଙ୍ଗ୍‌ନେ ମୁଇଂ ଆଃ ଇକ୍‌ଟା କିସଟ୍‌ନେ ନିମାଣ୍ଡାସାମୁଆଁନେ ଇକ୍‌ଟା ଚାକର୍ ରକମ୍ ବେବଆର୍ ଡିଙ୍ଗ୍‌ପା ଡିରକମ୍ ନେଙ୍ଗ୍ ପାଙ୍ଗ୍‌ରେ ଆପେକେ କେଲା ଶୁଲା ମାପାଙ୍ଗ୍‌ରେ ଡିଗ୍ ପେଇଂ ବିସୟ୍‌ରେ ଅଁଲା ମ୍ୟା ପେୟାଏ ଜେ ପେଇଂ ମୁଇଙ୍ଗ୍ ଆମ୍‌ନ୍ନିଆ ବୁଙ୍ଗ୍‌ନା ଲେଃରେ ନିମାଣ୍ଡାସାମୁଆଁନେ ବିସ୍‌ବାସ୍ ନ୍‌ସା ମୁଇଙ୍ଗ୍ ପାରାନ୍‌ରେ ମୁଇଙ୍ଗ୍ ସାଙ୍ଗେ

ଦୁଇ ଡିଙ୍ଗାପେଡିଙ୍ଗାକେ

^{୨୮} ସତୁଇଁକେ ଆବ୍‌ଟଗେପା ସାଆସ୍‌ରେ ତାଟ୍ ଲାଲାପା । ତେଲା ମେଇଁ ମ୍ୟା ଆର୍‌ଏ ଜେ ମେଁଇଁନେ ଆରେନେ ସଡ଼ ବାରି ପେଇଁ ଜିତେ ପେୟାଏ ଡାଗ୍ଲା ଇସ୍‌ପର୍ ଆଃ ଆପେକେ ଜିତେ ବିଏ ।

^{୨୯} ମାତର୍ କିସ୍‌ଟନେ ଡାଗ୍ଲା ବିସ୍‌ବାସ୍ ଡିଙ୍ଗାନ୍‌ ବାନ୍ ଶୁ ମେଃନ୍‌ସା କସ୍‌ବାନେ ବାନ୍ ଆପେକେ କିସ୍‌ଟନେ ସେବା ଡିଙ୍ଗା ନ୍‌ସା ସୁଜଗ୍ ବିବକେ ।

^{୩୦} ☆ ବାରି ଆନେଙ୍ଗ ଡିରକମ୍ ଦୁଇ ଡିଙ୍ଗାନ୍‌ କେପେଲେଃକେ ବାରି ଏବେ ଡିଂଣ୍ଟିକେ ଡାଗ୍‌ଟେ ଅଁପେଲେକେ ପେଇଁ ଦେଡ଼ ରକମ୍ ଦୁଇ ଡିଙ୍ଗାପେଡିଙ୍ଗାକେ ।

୨

କ୍ରିଷ୍ଟନେ ଦରମ୍ ବାରି ମ୍ବାଃ

^୧ କ୍ରିଷ୍ଟନେ ଏତେ ମିସେକ୍ଲେ ବାନ୍ ପେଇଁ ପାରାନ୍‌ନ୍ନିଆ ଡାଟ୍ ଡିଙ୍ଗାପେଲେଃକେ ବାରି ମେଁନେ ଆଲାଦ୍ ଆପେକେ ସାନ୍ତି ବିଃଡିଁକେ । ପେଇଁ ପବିତ୍ର ଆମ୍ବାନେ କୁଡେଃମାଡେଃ ବାରି ବେବଆର୍ ଡିଙ୍ଗା ପେଡିଙ୍ଗାକେ ବାରି ନିଜର୍ ନିଜର୍ ବିତ୍ରେ ପେଇଁନେ ଆସିବାଦ୍ ବାରି ଦୟା ଲେଃକେ ।

^୨ ତେସା ଆପେକେ ନେଙ୍ଗ କୁସାମୁତି ଡିଙ୍ଗାଶ୍ରିଙ୍ଗାକେ ପେଇଁ ମୁଇଁ ମନ୍ ମୁଇଙ୍ଗା ଆଲାଦ୍‌ନିଆ କୁଡେଃମାଡେଃରେ ମୁଇଁ ଚିନ୍ତା ବାରି ମୁଇଁ ବାବ୍‌ନା ଡିଙ୍ଗାଟେ ନେଙ୍ଗନେ ସାଦା ଆଡିଙ୍ଗାପା

^୩ ନିଜର୍ ବଲ୍ ନ୍‌ସା ଶୁଲା ବଡ଼୍‌ପନ୍ ଆସୁଏ ନ୍‌ସା ମେଃଡିଗ୍ କାମ୍ ଆଡିଙ୍ଗାପା । ମାତର୍ ବିନ୍‌ଶ୍ଟେକେ ନିଜର୍ ବାନ୍ ମ୍ବା ମନେ ଡାଗ୍‌ଟେ ନିଜର୍ ନିଜର୍ ବିତ୍ରେ ଦରମ୍ ବେବଆର୍ ଡିଙ୍ଗାପା ।

^୪ ମାତର୍ ନିଜର୍ ନିମାଣ୍ଟା ନ୍‌ସା ମନ୍ ମାଡିଁଟେ ବିନ୍‌ଶ୍ଟେଇଁ ଆଡାଡା ମନ୍ ବିଃପା ।

^୫ କିସ୍‌ଟ ଜିସୁନେ ମନ୍ ବାବ୍‌ନା ଡିରକମ୍ ଲେଃକେ ପେଇଁନେ ଦେଡ଼ରକମ୍ ମନ୍ ଡିଙ୍ଗାଲେ ।

^୬ ମେଁ ଇସ୍‌ପର୍ ଡିଙ୍ଗାଲା ଡିଗ୍

☆ ୧:୩୦ ପ୍ରେରିଡ଼ ୧୭:୧୯-୪୦.

ଇସ୍ପପରନେ ଏତେ ସମାନ ଡିଙ୍ଗ୍‌ରେ ଲେଖନେ ନିଜର୍ ନ୍‌ସା
 ସାତେ ବନେ ବିସୟ୍ ମନେ ଆଡିଙ୍ଗ୍‌କେ ଶୁ

୭ ମାତର୍ ନିଜର୍ ଇକ୍‌ତାରେ ଖେତେ ନିଜର୍‌ନେ ସାପା ଆନ୍ତାର୍
 ବିତେ ସେବକ ରକମ୍ ରୁପ୍ ସାକେ ।

ରେମୁଆଁ ରକମ୍ ଡିଙ୍ଗ୍‌ରେ ରେମୁଆଁ ରୁପ୍‌ରେ
 ପାଙ୍ଗ୍ ଲେଖକେ ।

୮ ମେଁ ଲିବିସ ବାରି ଦରମ୍ ଡିଙ୍ଗ୍‌ରେ ଗୁଏଃ ବେଲା ଜାକ
 କୁସନ୍ନିଆ ଗୁଏଃ ଜାକ ସାମୁଆଁ ମାନେଃ ଡିଙ୍ଗ୍‌କେ ।

୯ ଏନ୍‌ସା ଇସ୍ପପର୍ ଆମେକେ ସାପାବାନ୍ ତିଆର୍ ଜାଗାନ୍ନିଆ
 ଆଃକବକେ
 ବାରି ବିନ୍‌ନେ ସାପାରେନେ ମ୍ନି ଆଃତାର୍‌ରେ ମ୍ନି ଆମେକେ
 ବିବକେ ।

୧୦ ତିରକମ୍ କିତଂଇନି ମଞ୍ଚପୁର୍
 ବାରି ପାତାଲ୍‌ନିଆ ଲେଖକ୍ ସାପା ରେମୁଆଁ
 ଜିସୁନେ ମ୍ନିରେ ତେଙ୍ଗାତେ ମୁଣ୍ଡିଆ ବଗ୍‌ଆର୍‌ସ

୧୧ ବାରି ଆବା ଇସ୍ପପର୍‌ନେ ମଙ୍ଗଲ୍ ନ୍‌ସା
 ସାପାରେ ରେମୁଆଁ ଜିସୁ କିସଟକେ ମାପୁ ତାଗ୍‌ରେ ଗ୍ରଅନ୍
 ଡିଙ୍ଗ୍‌ଆର୍‌ସ ।

ମଞ୍ଚପୁର୍‌ନିଆ ତାରକିଗ୍ ରକମ୍ ତୁଆପା

୧୨ ତେସା ନିଜର୍ ବନ୍ଦୁଇଁ ନେଙ୍ଗ୍ ପେଇଁନେ ଏତେ ଲେଖନେ
 ବେଲା ପେଇଁ ତିରକମ୍ କାଲାଆଃ ନେଙ୍ଗ୍‌ନେ ଆଦେସ୍
 ମାନେଃପେଲେକେ ଏବେ ନେଙ୍ଗ୍ ପେବାନ୍ ମ୍ନି ଲେଖନେ ବେଲା
 ଜାବର୍ ବିସ୍‌ବାସ୍ ବାବ୍‌ରେ ନେଙ୍ଗ୍‌ନେ କାମ୍ ଡିଙ୍ଗ୍‌ନେ ପେଇଁନେ
 ଦରକାର୍ । ପେନେ ଉଦାର୍ ବାନେ କାମ୍ ତିରକମ୍ ସମାନ୍ ଡିଙ୍ଗ୍‌ଏ
 ଏନ୍‌ସା ବୁଟମେଗ୍ ବାରି ଇରିୟାତୁଗକେ ରକମ୍ କାମ୍ ଡିଙ୍ଗ୍‌ପା ।

୧୩ ତାଗ୍ଲା ଆପେକେ ମେଃନେ ଦରକାର୍ କାମ୍ ଡିଙ୍ଗ୍ ନ୍‌ସା ଇକ୍‌ତା
 ବାରି ସମାନ୍ ଆଡିଙ୍ଗ୍ ନ୍‌ସା ନିଜେ ଇସ୍ପପର୍ ପେନେ ତାଗ୍ଲା କାଲାଆଃ
 ସ୍ନେଏ ।

୧୪ ଅଦିକାର୍ ବାରି ଜୁଲ୍‌ଜୁଲ୍ ଆଡିଙ୍ଗ୍‌ରେ ସାପା କାମ୍ ଡିଙ୍ଗ୍‌ପା ।

୧୫ ତେଲା ଏନ୍ ଦୁର୍ନିତି ବାରି ପାପ୍ ବର୍ତ୍ତ ମଞ୍ଚପୁରନ୍ନିଆ ପେଇଁ ଇସପରନେ ପବିତ୍ର ଉଠେ ରକମ୍ ଦସ୍ତୁ ବାରି ପବିତ୍ର ଜିବନ୍ ଆମ୍ବୁପା ।

୧୬ ବିନ୍‌ଶ୍ଟେନେ ତାଗ୍ରା ପାରାନ୍ ଆଃବଦ୍‌ଲେନେ ସାମୁଆଁ ବାସଙ୍ଗନେ ବେଲା ପେ ତ୍ରିଗ୍‌ତିଆଃ ତାରକିଗ୍ ଡିଙ୍ଗ୍‌ମ୍ୟାକ୍‌କେ ଚାଙ୍ଗୁଆଇଁ ରକମ୍ ତାରକିଗ୍ ଡିଙ୍ଗ୍‌ନେ ଦରକାର୍ । ପେଇଁ ଜଦି ଦେକ୍‌ରକମ୍ ପେଡିଙ୍ଗ୍‌ଏ “କିସ୍‌ଟନେ ଦିନ୍‌କେଲା” ପେଇଁନେ ବିସ୍‌ୟନ୍ନିଆ ନେଙ୍ଗ୍ ଗରବ୍ ଡିଙ୍ଗ୍‌ଇଁୟାଏ ତାଗ୍ରା ଏନ୍ ବାନ୍ ପରମାନ୍ ଡିଙ୍ଗ୍‌ଏ ଜେ ନେଙ୍ଗ୍‌ନେ ସାପା ଇକ୍‌ଟା ବାରି କାମ୍ ନସ୍‌ ଆଡିଙ୍ଗ୍‌କେ ଶୁ ।

୧୭ ପରମେସରନେ ସେବାନ୍ନିଆ ପେନେ ବିସ୍‌ବାସ୍ ଆପେକେ ମୁଇଙ୍ଗ୍ ପୁଜା ବିଃନେ ରକମ୍ ସେବା ଡିଙ୍ଗ୍‌ନେସା ବାସଙ୍ଗ୍‌ଏ । ଏଲେଡିଗ୍ ପେନେ ପୁଜା ବିଃନେ ରକମ୍ ସେବାନ୍ନିଆ ଆନେଙ୍ଗ୍ ନେଙ୍ଗ୍‌ନେ ନିଜର୍ ମ୍ୟା ଡିଗ୍ ପୁଜା ବିଃନେ ପଡେଏ । ଜଦି ଆତେନ୍ ଗଟେଏ ନେଙ୍ଗ୍ ପେଇଁନେ ଏତେ ସାର୍ଦାରେ କୁଡେ ନ୍‌ସା ଇକ୍‌ଟା ଡିଙ୍ଗ୍‌ଶ୍ଟିଂକେ ।

୧୮ ପେଇଁ ଡିଗ୍ ନେଙ୍ଗ୍ ଏତେ ସାର୍ଦା ଡିଙ୍ଗ୍‌ପା ବାରି ସାର୍ଦାରେ ବର୍ତ୍ତ ଡିଙ୍ଗ୍‌ପା ।

ଡିମ୍‌ତି ବାରି ଏପାପ୍ରଦିତ୍

୧୯ ମାପୁନେ ଇକ୍‌ଟା ଲେଃଲ୍ୟା ପେଇଁନେ ତାଗ୍ରା ଡିମ୍‌ତିକେ ଦାପ୍ରେ ବେଇଁୟାଏ ତାଗ୍‌ଟେ ମାପୁରୁ ଜିସୁ ତାଗ୍ରା ନେଙ୍ଗ୍ ଆସା ତିଂଶ୍ଟିଂକେ । ତେଲା ପେଇଁନେ କବର୍ ବାଟେ ନେଙ୍ଗ୍ ସାର୍ଦା ଶ୍ଟିଙ୍ଗ୍‌ଏ ।

୨୦ ମାଡର୍ ମେଁନେ ନେଙ୍ଗ୍ ରକମ୍ ମନ୍ ବାବେନେ ବାରି ମେଁ ସତେଆ ପେଇଁନେ ଆଡାତ୍ରା ମନ୍ ଲେଃକେ ।

୨୧ ବିନ୍‌ନେ ସାପାରେ ଜିସୁ କିସ୍‌ଟନେ ବିସ୍‌ୟରେ ଚେସ୍‌ଟା ଆଡିଙ୍ଗ୍‌ଟେ ନିଜର୍ ବଲ୍‌ପଡେ ନ୍‌ସା ଚେସ୍‌ଟା ଡିଙ୍ଗ୍‌ଆର୍‌ଏ ।

୨୨ ପେ ମ୍ୟାପେଲେକେ ଡିମ୍‌ତି ଡିରକମ୍ ମେଁନେ ଇକ୍‌ଟା ପୁରନ୍ ଆଃଡିଂବକେ, ଡିରକମ୍ ମେଁ ବାରି ନେଙ୍ଗ୍ ଉଠ ବାରି ଆବା ରକମ୍ ନିମାଣ୍ଡା ସାମୁଆଁ ବାସଙ୍ଗନେ ସ୍ଲେନିଆ ନେଙ୍ଗ୍ ଏତେ ଜତନ୍ ଡିଙ୍ଗ୍‌ବକେ ।

୨୩ ନେଇଁ ଆଡ଼ାଡ଼ା ମେଁନେ ଗଟେନେ ଖେଡ଼ିଙ୍ଗକେ ମ୍ୟାକ୍ସେ ଦାପ୍ରେ ନେଇଁ ଆମେକେ ପେଇଁନେ ଡାଗ୍ରା ମ୍ବେଏ ଡାଗ୍ରେ ଆସା ଡିଙ୍ଗ୍ଲେଏ ।

୨୪ ମାତର୍ ନେଇଁ ମାପୁନେ ଡାଗ୍ରା ବିସ୍ବାସ୍ ଡିଙ୍ଗ୍ ଶ୍ରିଙ୍ଗକେ ଜେ ନେଇଁ ପେଇଁନେ ଡାଗ୍ରା ଦାପ୍ରେ ମାଙ୍ଗ୍ଏ ।

୨୫ ମାତର୍ ନେଇଁ ନେଇଁନେ ବୟାଁ ସଙ୍ଗ୍ସାତି ସାପାନ୍ନିଆ ବାରି ନେଇଁନେ ଆଲେକ୍ସେ ବର୍ ଆଡ଼ିଙ୍ଗନ୍ସା ପେଇଁନେ ବେବକ୍ସେ ବାରି ସେବା ତିଂଣ୍ଡେ ଏପାପ୍ରାଦିତକେ ପେଇଁନେ ଡାଗ୍ରା ବେନ୍ସା ଏଲେଡିଗ୍ ମନେ ଶ୍ରିଂକେ;

୨୬ ମେଁ ଆପେ ସାପାରେକେ କେନ୍ସା ଇକ୍ତା ତିଂତିଂକେ ବାରି ପେଇଁ ମେଁନେ ଆଃସିଲେକ୍ସେ କବର୍ ଅପେଲେକ୍ସା ମେଁ ଦୁକ୍ ତିଂତିଙ୍ଗେ ।

୨୭ ସତେଆଃ ମେଁ ଆଃସିଲେଚେ ଗୁଏକ୍ସେ ରକମ୍ ତିଙ୍ଗ୍ଲେକେ । ମାତର୍ ଆମେକେ ଇସପର୍ ଦୟା ଡିଙ୍ଗ୍ବକେ । ମାତର୍ ମେଁନେ ଆଡ଼ାଡ଼ା ଶୁନେଇଁ ଆଡ଼ାଡ଼ା ତିଗ୍ ମେଁନେ ଦୟା ଲେକ୍ସା ଆନେଇଁ ଦୁକ୍ ଆଡ଼ାଡ଼ା ଦୁକ୍ କସ୍ ବାନ୍ସା ଆବିକେ ଶୁ ।

୨୮ ନେଇଁ ଆମେକେ ପେଇଁନେ ଡାଗ୍ରା ବେନ୍ସା ଇକ୍ତା ଡାଗ୍ରା ଆମେକେ କେଲା ପେଇଁ ବାନ୍ମୁଇଁତର୍ ସାର୍ଦା ପେଡିଙ୍ଗ୍ ବାରି ନେଇଁନେ ଦୁକ୍ ତିଗ୍ ଗଣ୍ଡାଡିଙ୍ଗ୍ଏ ।

୨୯ ତେସା ମୁଇଁଜା କ୍ରିସ୍ଟ ବିସ୍ବାସି ବୟାଁ ବାବ୍ରେ ପେଇଁ ଆମେକେ ସାର୍ଦାରେ ଗୁଅନ୍ ଡିଙ୍ଗ୍ପା ବାରି ମେଁ ରକମ୍ ସାପା ଗୁନ୍ଗ୍ୟାନ୍ ରେମୁଆଁକେ ବକ୍ତି ଡିଙ୍ଗ୍ପା ।

୩୦ ଡାଗ୍ରା ପେଇଁ ଆନେଇଁ ଆଣ୍ଡିନେ ସାଇଜ ବିପେୟାକେ ଶୁ କିସ୍ଟନେ କାମ୍ ପୁରନ୍ ନ୍ସା ମେଁ ଆତାନ୍ ଡିଙ୍ଗ୍ନେ ଖେଚେ ନିଜର୍ ପାରାନ୍କେ ଗୁଏନେ ସାମ୍ନା ଡିଙ୍ଗ୍କେ ।

୩

ସତ୍ ଦରମ୍

୧ ଡାଃକ୍ସେ ଇଡିଙ୍ଗ୍ ଅ ବୟାଁ ବାରି ତନାଇଁ ମାପୁନେ ଡାଗ୍ରା ସାର୍ଦା ଡିଙ୍ଗ୍ପା । ମୁଇଁ ରକମ୍ନେ ସାମୁଆଁ ପେଇଁ ଡାଗ୍ରା ପ୍ରେଗ୍ପ୍ରେଗ୍

ଗୁଆରନେ ନେଙ୍ଗ୍ ଆଡ଼ାଡ଼ା କସ୍ତୁ ଆଡ଼ିଙ୍ଗ୍ ଶୁ ଡାଗ୍ଲା ପେଇଂନେ ରକ୍ୟା ନ୍‌ସା ଏନ୍ ସାଇଜ ଡିଙ୍ଗ୍‌ଏ ।

୨ ଗୁସୁଃଇଂନେବାନ୍ ତରକ୍ ଲାଲାପା ଦଦ୍ୟା କାମ୍ ତିଂଶ୍ଟ୍ରେନେବାନ୍ ତରକ୍ ଲାଲାପା ପବିତ୍ର ଡିଙ୍ଗ୍‌ଲେକ୍ସ୍ଟ୍ରେ ରେମୁଆଁନେବାନ୍ ତରକ୍ ଲାଲାପା;

୩ ନେନେ ସତେଆ ପବିତ୍ର ଡିଙ୍ଗ୍‌ଲେକ୍ସ୍ଟ୍ରେ ରେମୁଆଁ; ମେଇଂ ଶୁ । ନେନେ ପବିତ୍ର ଆମ୍‌ନେ ସାଇଜରେ ଇସ୍‌ପରନେ ଉପାସ୍ ନେଡ଼ିଙ୍ଗ୍‌ଏ । କିସ୍‌ଟ ଜିସୁନେ ଡାଗ୍ଲା ଗରବ୍ ନେଡ଼ିଙ୍ଗ୍‌ଏ । ନେନେ ନିଜର୍ ନିଡିନିୟମ୍ ଆଡ଼ାଡ଼ା ଆସା ନେଡ଼ିଗ୍ ଶୁ ।

୪ ଏଲେଡିଗ୍ ଆତାନ୍ ସାପା ଆଡ଼ାଡ଼ା ଆସା ବନେ ନେଙ୍ଗ୍ ଡାଗ୍ଲା ଜାବର୍ ପାଡ଼ିଙ୍ଗ୍ । ଜଦି ଜାଣ୍ଟେ ସଂସାରନେ ନିଡିନିୟମ୍ ଦରକାର୍ ଲେକ୍ସ୍ଟ୍ରେ ଆଡ଼ାଡ଼ା ଦ୍ୟାନ୍ ବିଏ । ଦେଡ୍ ରକମ୍ ଡିଙ୍ଗ୍ ନ୍‌ସା ନେଙ୍ଗ୍‌ନେ ଜାବର୍ କାରନ୍ ଲେକ୍ସ୍ଟ୍ରେ ।

୫ ନେଙ୍ଗ୍‌ନେ ଜନମ୍ ଡିଙ୍ଗ୍‌ଟେ ମୁଇଂସାନ୍ତା ଦିନ୍ ଇଡ଼ିଙ୍ଗ୍ ନେଙ୍ଗ୍‌ନେ ପବିତ୍ର ଡିଙ୍ଗ୍‌ବଆରକେ । ନେଙ୍ଗ୍ ମୁଇଂଜା ଇସ୍‌ସାଲିୟ ରେମୁଆଁ । ବେଞ୍ଜାମିନନେ ବସ୍‌କଲ୍ । ଏଡ୍ରୀ ବାସାଣ୍ଟେ ଆବା ଇୟାଙ୍ଗ୍‌ନେ ବାନ୍ ଜନମ୍ ଡିଙ୍ଗ୍‌ବେଲା ନେଙ୍ଗ୍ ମୁଇଂଜା ଏଡ୍ରୀ ବାସାଣ୍ଟେ ରେମୁଆଁ । ନେଙ୍ଗ୍ ନ୍‌ସା ମସାନେ ନିଅମ୍ ଜାବର୍ ମ୍ଲାଃ, ଆତେନ୍ କିକେନେବାନ୍ ନେଙ୍ଗ୍ ମୁଇଙ୍ଗ୍ ଫାରୁଶୀ ।

୬ ଜିଉଦି ଦର୍ମ ନ୍‌ସା ନେଙ୍ଗ୍‌ନେ ଅଃକେନ୍ ଜାବର୍ ଗରବ୍ ଲେକ୍ସ୍ଟ୍ରେ ଜେ ନେଙ୍ଗ୍ ମଶ୍ଟ୍ରିକେ କସ୍ତୁ ବିଃଶ୍ଟିଂକେ । ବିସ୍‌ବାସିଇଂକେ କସ୍ତୁ ବିମ୍‌ଗେ । ନେଙ୍ଗ୍ ଡିରକମ୍ ବାବ୍‌ରେ ମସାନେ ନିଅମ୍ ପାଲେ ଶ୍ଟିଂକେ, ଜାଣ୍ଟେ ଡିଗ୍ ନେଙ୍ଗ୍ ଡାଗ୍ଲା ମେଃଡିଗ୍ ଦସ୍ ବାଆଲେକ୍ସ୍ଟ୍ରେ ଶୁ ।

୭ ମାତର୍ ଆଣ୍ଟିନେ ସାପା ବିସ୍‌ୟ ଲାବ୍ ଡିଙ୍ଗ୍‌ଏ ଡାଗ୍‌ଟେ ମନେ ଡିଙ୍ଗ୍‌ମ୍‌କେ ଆତାନ୍‌କେ ଏବେ କିସ୍‌ଟନେ ସା ନେଙ୍ଗ୍ ଦଦ୍ୟା ଡାଗ୍‌ଟେ ମନେ ଶ୍ଟିଙ୍ଗ୍‌କେ ।

୮ ମାତର୍ ଅଃତେନ୍ ଶୁ । ନେଙ୍ଗ୍‌ନେ ମାପୁ ଜିସୁ କିସ୍‌ଟକେ ମସାନେ ବାନ୍ ଆଡିନେ ଜାବର୍ ସୁନ୍‌ର୍ ନ୍‌ଡ଼ିଂକେ ଆତାନ୍ ବାଦୁଲ୍‌ରେ ବିନ୍‌ନେ ସାପା ବିସ୍‌ୟକେ ନେଙ୍ଗ୍ ଏବେ ମାଇଲା ଡାଗ୍‌ଟେ ବାବେଶ୍ଟିଂ । ମେଇଂ

☆ ୩:୫ ରମିୟ ୧୧:୧; ପ୍ରେରିଡ୍ ୨୩:୨; ୨୭:୫. ☆ ୩:୬ ପ୍ରେରିଡ୍ ୮:୩; ୨୨:୪; ୨୭:୯-୧୧.

ନ୍ୟା ନେଇଁ ସାପା କିଚି ଆନ୍ତାର ବିଷୟକେ । କ୍ରିଷ୍ଟକେ ବାନ୍ସା,

୯ ବାରି ମେଁ ଏତେ ନିମାଣ୍ଡା ବାବରେ କୁଡ଼େଃ ନ୍ୟା ବିନ୍ ସାପା ବିସୟକେ କାରରା ତାଗ୍ରେ ଏତେ ତିଂକେ । ଆଣ୍ଡି ଦରମ୍ ନିୟମ୍ ପାଲେନେ ବାନ୍ ଲାବ୍ ତିଙ୍ଗ୍ ପାରେ ଦେଡ଼ ରକମ୍ ମେଃଡ଼ିଗ୍ ନିଜ୍ଜରନେ ଦରମ୍ ନେଇଁ ତାଗ୍ରା ଶୁ । ଏବେ ମେଃନେ ଦରମ୍ ଲେଃକେ ଆତାନ୍ କିସ୍ତନେ ତାଗ୍ରା ବିସ୍ବାସ୍ ତିଙ୍ଗ୍ଲା ମିଲେଏ; ଆତାନ୍ ଇସ୍ପରନେ ବାନ୍ ପାଙ୍ଗ୍ଏ ବାରି ଆତାନ୍ ବିସ୍ବାସ୍ ଆଡାତ୍ରା ତିଆର୍ ତିଙ୍ଗ୍ଲେକେ ।

୧୦ ଏବେ ନେଇଁନେ ମୁଇଂ ଆଃ ଇକ୍ତା ନେଇଁ ତିରକମ୍ କ୍ରିଷ୍ଟକେ ମମ୍ୟାଃଏ ବାରି ମେଁନେ ଗୁଏରେ ତଃଡ଼ିଆକ୍ସେ ବପୁ ମନେ ଶ୍ରିଙ୍ଗ୍ଏ; ମେଁନେ କସ୍ ବାନେ ସମାନ୍ କସ୍ ମନେ ତିଂରେ ଗୁଏ କେଲା ତିଗ୍ ମେଁ ସୁଗୁଆ ଶ୍ରିଙ୍ଗ୍ଏ

୧୧ ଦେକ୍‌ରକମ୍ ବାବରେ ନେଇଁ ଗୁଏକ୍ସେଣ୍ଡେ ବାନ୍ ବାର୍‌ମୁଇଂତର୍ ଜିବନ୍ ଶ୍ରିଂଏ, ଏନ୍ ଆସା ନେଇଁନେ ଲେଃକେ ।

ଇକ୍ତା ଜାଗାନ୍ନିଆ ଝିର୍ନେ

୧୨ ନେଇଁ ତିଙ୍ଗ୍‌କ୍ସେ କାମ୍ ସମାନ୍ ତିଙ୍ଗ୍‌ଲେକେ ତାଗ୍ରେ ବାସଙ୍ଗ୍ ନାଡ଼ିଙ୍ଗ୍‌କେ ଶୁ । ପୁରୁସ୍‌କାର୍ ବାନ୍ସା ଝିର୍ ଶ୍ରିଙ୍ଗ୍ । କିସ୍ତ ଜିସୁନେ ବାନ୍ ପାଙ୍ଗ୍‌ଲେଃଲା ନେଇଁ ଝିର୍ ଶ୍ରିଙ୍ଗ୍‌କେ ।

୧୩ ଅ ବୟାଁ ବାରି ତନାଇଂ ନେଇଁ ଏ ଜାକ ଇକ୍ତା ଜାଗାନ୍ନିଆ ଝେଟା ନାୟାକେ ଶୁ । ମାତର୍ ମୁଇଙ୍ଗ୍ ସ୍ପେନିଆ ନେଇଁ ଦାୟା ତିଙ୍ଗ୍‌ଲେକେ; ପ୍ଲାପାକା ଆଃତାର୍ରେ ପାଙ୍ଗ୍‌କ୍ସେ ବିସୟ ଇଂକେ ଆବରେ ସାମନାନ୍ନିଆ ଲେଃକ୍ସେ ବିସୟ ଇଂକେ ବାନ୍ସା ଜିବନ୍ ବିଃରେ ଚେସ୍‌ଟା ତିଂଶ୍ରିଂକେ ।

୧୪ ନେଇଁ ସାପାବେଲା ଇକ୍ତା ଜାଗାନ୍ନିଆ ଝେଟାରେ ପୁରୁସ୍‌କାର୍ ବାନ୍ସା ଚେସ୍‌ଟା ଶ୍ରିଙ୍ଗ୍ଏ । କିସ୍ତ ଜିସୁନେ ତାଗ୍ରା କିତଂ ଜିବନ୍‌ନେ ପୁରୁସ୍‌କାର୍ ବାନ୍ସା ପର୍‌ମେସର୍ ଆନେଇଁ ଝାବକେ ।

୧୫ ନେଁଇଂନେ ବିତ୍ରେ ଜାଣ୍ଡେଇଂ ଆମ୍‌ନେ ବାବରେ ସମାନ୍ ମେଇଂ ତିଗ୍ ଦେକ୍‌ରକମ୍ ବାବେନେ ଦରକାର୍ । ଜଦି ପେନେ ବିତ୍ରେ ବିନି ମନ୍ ବାବ୍‌ନା ଲେଃଏ ପର୍‌ମେସର୍ ଆପେକେ ସାପା ସାମୁଆଁ ଚିକ୍ ବାବରେ ଆମ୍ୟା ବିଏ ।

୧୭ ଆତେନ୍ ମେଃଡ଼ିଙ୍ଗ୍‌ଲେଃ ଏଃଜାକ ନେ ଆଣ୍ଡିନେ ନିଅମ୍ ମାନେଚେ ପାଙ୍ଗ୍ ନେଡ଼ିଙ୍ଗ୍ ଆତେନ୍ ସୁଗୁଆ ଏବେ ସେନ୍‌ଗ୍ ଝେନେ ଦରକାର ।

୧୮ ଅ ବୟାଁ ବାରି ତନାଇଁ, ମୁଇଁ ଅରିଆ ଡିଙ୍ଗ୍‌ଚେ ନେଙ୍ଗ୍‌ନେ ପ୍ଲା ପାଙ୍ଗ୍‌ଲାପା । ନେ ନେବକ୍‌କେ ଦରମ୍ ସୁଗୁଆ ଜାଣ୍ଡେଇଁ ବେବଆର୍ ଡିଙ୍ଗ୍‌ଆର୍‌ଡିଂକେ ଆମେଇଁକେ କେଲାପା ।

୧୯ ଡାଗ୍ଲା ଦେକରକମ୍ ଗୁଲୁଏ ଲେଃଆର୍‌କେ ଜାଣ୍ଡେଇଁନେ ବେବଆର୍ ବିସୟ୍‌ନିଆ ନେଙ୍ଗ୍ ଆପେକେ ଉଡ଼ିତର୍ ବାସଙ୍ଗ୍‌ମ୍‌କେ ବାରି ଏବେ ଡିଗ୍ ଅଃ ଅଃଚେ ବାସଙ୍ଗ୍‌ଣ୍ଡିଂ ମେଇଁ କିସ୍‌ଚନେ କୁସନେ ସତ୍ତୁ;

୨୦ ନରକ୍‌ନିଆ ମେଁଇଁନେ ପାରାନ୍ ତାନେ ଝେଡ଼ିଙ୍ଗ୍‌କେ, ଡାଗ୍ଲା ଗାଗ୍‌ଡେନେ ଆସାଇ ମେଁଇଁନେ ଦେବ୍‌ତା । ଆଣ୍ଡିନେ ଗିଆସମାଲା ମେଇଁ ଆତେନ୍‌ସା ଗରବ୍ ଡିଙ୍ଗ୍‌ଆର୍‌ଏ; ମାତର୍ ଜାଗଡ଼ିକ ବିସୟ୍‌ ଜିନିସ୍ ନସା ମେଇଁ ଚିନ୍ତା ଡିଙ୍ଗ୍‌ଆର୍‌ଏ ।

୨୧ ଆତେନ୍ ମେଃଡ଼ିଙ୍ଗ୍‌ଲେଃ ନେ କିତଂ‌ଜନି ରାଜିନେ ରେମୁଆଁ । କିତଂ‌ବାନ୍ ନେନେ ଆମ୍‌ଣ୍ଡେ ମାପୁ ଜିସୁ କିସ୍‌ଚ ପାଙ୍ଗ୍‌ନେ ବେଲା ନେ ସାର୍ଦାରେ ଉର୍ ନେଲେକେ ।

୨୨ ଆଣ୍ଡିନେ ବପୁ ବାନ୍ ମେଁ ସାପା ବିସଏକେ ନିଜର୍ ନସା ଡାଆଁ ଆଃଡ଼ିଙ୍ଗ୍ ଯାଏ, ଆତେନ୍ ବପୁ ବେବଆର୍ ଡିଙ୍ଗ୍‌ଚେ ମେଁ ନେନେ ଅସକ୍‌ତିଆ ଗୁଏକ୍‌କେ ଗାଗ୍‌ଡେକେ ମେଁନେ ମଙ୍ଗ୍‌ଲମୟ୍ ଗାଗ୍‌ଡେ ରକମ୍ ଡିଙ୍ଗ୍‌ଏ ।

୪

ଆଦେସ୍ ବାରି ଗ୍ୟାନ୍

୧ ନିଜର୍ ବୟାଁ ଆରି ତନାଇଁ ଆପେକେ କେନ୍‌ସା ନେଙ୍ଗ୍ ଇକ୍‌ଚା ଶ୍ରିଙ୍ଗ୍‌ଏ । ଆପେକେ ଡୁଗ୍‌ଝେଚେ ନେଙ୍ଗ୍ ଉଡ଼ି ସାର୍ଦା । ପେଇଁନେ ସା ନେଙ୍ଗ୍‌ନେ ଉଡ଼ି ଗରବ୍ । ବୟାଁ ବାରି ତନାଇଁ ନେଙ୍ଗ୍‌ନେ ଗ୍ୟାନ୍ ସୁଗୁଆ ମାପୁନେ ଡାଗ୍ଲା ସାନ୍ତିରେ ଲେଃଚେ ରୁଆ ଡିକେଃ ଡିଙ୍ଗ୍‌ପା ।

☆ ୩:୧୭ ୧ କରିନ୍ତୟ ୪:୧୭; ୧୧:୧.

୨ ମାପୁନେ ତାଗ୍ରା ତନାଇଁ ରକମ୍ ମୁଇଙ୍ଗ୍ ମନ୍ ତିଙ୍ଗ୍ ନସା ନେଙ୍ଗ୍ ଇୟଦିଆ ବାରି ସୁନ୍ତୁଣୀ ମାୟାକେ କୁସାମୁତି ତିଂଣ୍ଡିକେ ।

୩ ଅ ନେଙ୍ଗ୍ନେ ବିସବାସ ସାଇଜ ତିଂଣ୍ଡିକେ । ଏନ୍ ସେଲାମ୍ପୁଃଃକେ ସାଇଜ ତିଙ୍ଗ୍ନସା ଆପେକେ ତିଙ୍ଗ୍ କୁସାମୁତି ତିଙ୍ଗ୍ଣିକେ ତାଗ୍ରା ଆକ୍ମେଇଁ କ୍ଲେମେଣ୍ଟ୍ ବାରି ନେଙ୍ଗ୍ନେ ବିନ୍ ସାଇଜ ତିଂଣ୍ଡିକେକେ ସଙ୍ଗେ ନିମାଣ୍ଡା ସାମୁଆଁ ସ୍ଲେନିଆ ନେଙ୍ଗ୍ ଏତେ କସ୍ ତିଙ୍ଗ୍ବଆରକେ; କ୍ଲେଇଁନେ ମ୍ରି ଇସପରନେ ଜିବନ୍ ସାସ୍ତରନ୍ନିଆ ଗୁଆରବକେ ।

୪ କାଲାଆଃ ମାପୁନେ ତାଗ୍ରା ସାର୍ଦା ତିଙ୍ଗ୍ପା ବାର୍ମୁଇଁତର୍ ବାସଙ୍ଗ୍ଣିଂ “ସାର୍ଦା ତିଙ୍ଗ୍ପା ।”

୫ ସାପାରେନେ ଏତେ ନିମାଣ୍ଡା ବେବଆର୍ ତିଙ୍ଗ୍ପା । ମାପୁ ପାଙ୍ଗ୍ନେ ତାଗ୍ରା ପିଙ୍ଗ୍ଟାକେ ।

୬ ମେଃଡିଗ୍ ବିସୟନ୍ନିଆ ତେରେପେତେ ଆଡିଙ୍ଗ୍ପା । ମାତର୍ ପେନେ ମେଃମେଃନେ ଦରକାର୍ ଆତେନ୍ ପାର୍ତନାନ୍ନିଆ ଇସପରକେ ସାଲିଆପା । ବାରି ପାର୍ତନା ତିଙ୍ଗ୍କେଲା କାଲାଆଃ ଗାଗ୍ଡେନେ ଦନ୍ୟବାଦ୍ ଏତେ ପେଇଁନେ ଗୁଆରି ସାପା ଇସପର୍ ତାଗ୍ରା ଆମ୍ୟାପା ।

୭ ତେଲା ରେମୁଆଁ ବୁଜେ ଆୟାକ୍ଲେ ଇସପରନେ ସାକ୍ତି କିସଟ୍ ଜିସୁ ଏତେ ମିସୁଟେ ପେନେ ଗାଗ୍ଡେ ବାରି ମନ୍କେ ରକ୍ୟା ପେଡିଙ୍ଗ୍ ।

୮ ଇଡିଙ୍ଗ୍ ବୟାଁ ବାରି ତନାଇଁ ଆଣ୍ଡିନେ ସାପା ବିସୟ୍ ସଡ୍, ଆଲାଦ୍ ଦରକାର୍, ଦଦ୍ୟା, ସୁନ୍ଦର୍, ନିମାଣ୍ଡା କାମ୍; ଆତେନ୍ ସାପା ବିସୟ୍ ଚିନ୍ତା ତିଙ୍ଗ୍ପା ।

୯ ପେଇଁ ଜେ ସାପା ବିସୟ୍ ନେଙ୍ଗ୍ବାନ୍ ସିକେପେଲେକେ ବାପେଲେକେ ଅଁପେଲେକେ ବାରି ନେଙ୍ଗ୍ ତାଗ୍ରା କେପେଲେକେ ଆତେନ୍ ସାପା ତିଙ୍ଗ୍ପା; ଆଡ୍ଅରିଆ ସାକ୍ତିବିଶ୍ଲେ ଇସପର୍ ପେଇଁନେ ଏତେ ଲେଃଏ ।

ଦାନ୍ ନସା ଦନ୍ୟବାଦ୍

୧୦ ମାପୁନେ ଏତେ ମିସେଟେ ବୁଆନେ ବେଲା ନେଙ୍ଗ୍ନେ ସାର୍ଦା ଜେ ପେଇଁ ନେଙ୍ଗ୍ ଆଡାତ୍ରା ମନ୍ଦ୍ୟାନ୍ ବିଃପା । ଗୁଲୁଏ ଦିନ୍ ଇଡିଙ୍ଗ୍ ଏନ୍ ନ୍ଲାଇଃକେ । ନେଙ୍ଗ୍ ବାସଙ୍ଗ୍ ନାଡିଙ୍ଗ୍କେ ଜେ ପେଇଁ ନେଙ୍ଗ୍

ଆଡ଼ାଡ଼ା ବାରି ମନଦ୍ୟାନୁ ପେଡ଼ିଙ୍ଗକେ ବାରି ଆତାନୁ ଆନୁ ନସା ସୁଜଗ୍ ବାପେଲେଃକେ ।

୧୧ ନେଙ୍ଗ ନିଜେକେ ଅବଏଲା ମନେ ଡିଙ୍ଗତେ ଏନ୍ ସାମୁଆଁ ବାସଙ୍ଗ ନାଡ଼ିଙ୍ଗକେ ଶୁ ନେଙ୍ଗନେ ମେଃନେ ଲେଃକେ ଅଃଡେନ୍ରେ ସାନ୍ତିରେ ଲେଃନସା ନେଙ୍ଗ ଗ୍ୟାନ୍ ବିମ୍ବକେ ।

୧୨ ଆଲେକ୍ଲା ଡିଙ୍ଗଲେ ଲେଃକାଲା ଡିଙ୍ଗଲେ ଡିରକମ୍ ମେଁନେ ସାମନା ଡିଙ୍ଗନେ ଡିଙ୍ଗଏ ଆଡେନ୍ ନେଙ୍ଗ ମ୍ୟାଲ୍ଲେକେ । ତେସା ଡିରକମ୍ ବେଲା ଡିରକମ୍ ଅବସ୍ତାରେ କେଡେସ ଲେଃକେଲା ଡିରକମ୍ ଚଙ୍ଗ ଲେଃଲା ଡିଙ୍ଗ ଦେଡ଼ରକମ୍ ଆଲେଃକ୍ଲେ ବେଲା ବାରି ଲେଃକେଲା ଡିଙ୍ଗ ନେଙ୍ଗ କାଲାଆଃ ସାନ୍ତି ।

୧୩ ନେଙ୍ଗନେ ବପୁଲେଃକ୍ଲେ କ୍ରିସ୍ଟୁନେ ସାଇଜନ୍ନିଆ ନେଙ୍ଗ ସର୍ତେ ମେଃଡିଗ୍ ଶ୍ରିଙ୍ଗଏ ।

୧୪ ଏଲେଡିଗ୍ ନେଙ୍ଗ କସ୍ତୁବାନେ ବେଲା ଆନେଙ୍ଗ ସାଇଜ ଡିଙ୍ଗତେ ପେଇଂ ମ୍ବା କାମ୍ ଡିଙ୍ଗପେବକେ ।

୧୫ ଅ ପିଲିପିୟ ବୟାଁ ବାରି ତନାଇଂ ପେନେ ବଲ୍ ବାବ୍ରେ ମନେ ଲେଃଏ ଡିରକମ୍ ନିମାଣ୍ଡା ସାମୁଆଁ ବାସଙ୍ଗ ଆରାମ୍ ଡିଙ୍ଗନେ ବେଲା ନେଙ୍ଗ ଉଡ଼ିବେଲା ମାସିଦୋନିଆ ଆନ୍ତାର୍ ମ୍ବିକେ ମାତର୍ ପେନେ ମଣ୍ଡଲି ଆନେଙ୍ଗ ସାଇଜ ଡିଙ୍ଗବକେ ମାତର୍ ପେଇଂ ନେଙ୍ଗନେ ଲାବ୍ ବାରି କେଡିନ୍ନିଆ ମିସୁ ପେଲେଃକେ ।

୧୬ ✠ନେଙ୍ଗ ତେସଲନିକିୟନ୍ନିଆ ଲେଃକେଲା ପେଇଂ ଜାବର୍ ତର୍ ନେଙ୍ଗ ଡାଗ୍ରା ଦରକାର ଲେଃକ୍ଲେ ସାଇଜ ବେପେବକେ ।

୧୭ ମାତର୍ ପେଇଂନେ ଡାଗ୍ରା ମାତର୍ ଦାନ୍ ଗୁଅନ୍ ଡିଙ୍ଗନ୍ସା ନେଙ୍ଗ ଚାଏଁନାଡ଼ିଙ୍ଗକେ ଶୁ; ଏନ୍ ଇଡ଼ିଙ୍ଗ ପେଇଂ ଡିରକମ୍ ଜାବର୍ ବାନ୍ ଜାବର୍ ଲାବ୍ ପେଡ଼ିଙ୍ଗଏ ଏନ୍ ନେଙ୍ଗନେ ଇକ୍ଟା ।

୧୮ ନେଙ୍ଗ ସାପା ବାଲ୍ଲେଃକେ ବାରି ନେଙ୍ଗନେ ଜାବର୍ ଲେଃକେ; ପେଇଂନେ ବେବକ୍ଲେ ଆଣ୍ଡିନେ ସାପା ବିସୟ ଏପାପ୍ଟାଦିତନେ ଡାଗ୍ରା ବାଲ୍ଲେଃକେ ଆଡେନ୍ ସାପା ନେଙ୍ଗନେ ନସା ଜାବର୍; ଆଡେନ୍ ଇସ୍ପର୍ରେ ଅନୁସାରେ ପୁଜା ବିଃକ୍ଲେ ନିମାଣ୍ଡା ବାସ୍ତାରୁ ପୁଜା ଜିନିସ୍ ବାରି ମେଁ ବାନେ ଦରକାର ବାରି ସାନ୍ତି ବାବ୍ରେ ପୁଜା ବିଃନେ ରକମ୍ ।

✠ ୪:୧୭ ପ୍ରେରିଡ଼ ୧୭:୧. ✠ ୪:୧୭ ୨ କରିନ୍ତିୟ ୧୧:୯.

୧୯ କିସ୍ତନେ ବାନ୍ ନେଙ୍ଗ୍ ଇସ୍ପର ମେଁନେ ଜାବର୍ ସୁନ୍ଦରନ୍ନିଆ
ପେନେ ସାପା ଦରକାର୍ ଲେଃକ୍ଲେ ଆମେ ବିଏ ।

୨୦ ଜୁଗ୍ ଜୁଗ୍ ଆବା ଇସ୍ପରନେ ଗୌରବ୍ ଡିଙ୍ଗ୍ଲେ । ଆମେନ୍ ।

ସାରାସାରି ସାର୍ଲନେ

୨୧ ଜିସୁ କିସ୍ତନେ ମିନ୍ନିଆ ଆଡ଼ଅରିଆ ଲେଃକ୍ଲେ ସାପା ସାଦୁକେ
ସାର୍ଲ ଶ୍ରିଙ୍ଗ୍ଲେ । ନେଙ୍ଗ୍ ଏତେ ଲେକ୍ଲେ ଏନ୍ ଜାଗାନେ ବୟା ବାରି
ତନାଇଁ ଆପେ ସାପାରେକେ ସାର୍ଲ ଶ୍ରିଙ୍ଗ୍ଲେ ।

୨୨ ସାଦୁକ୍ ସାପାରେ, ବିନ୍ ଜାଣ୍ଟେ କାଈସରନେ ଇଃସାଙ୍ଗ୍
ଡୁଆନ୍ନିଆ ଲେଃଆରକେ ମେଇଁ ଆପେକେ ସାର୍ଲ ଡିଂକେ ।

୨୩ ମାପୁ ଜିସୁ କିସ୍ତନେ ଲିବିସ ପେ ସାପାରେନେ ଆମ୍ବାନେ ସାଆ
ଡିଙ୍ଗ୍ଲେ ।

ସତ୍ ଗାଳି
The New Testament in the Gata' language of India: ସତ୍
ଗାଳି (Bible)

copyright © 2020 The Word for the World International

Language: Didayi (Gata')

Contributor: The Word for the World International

ସତ୍ ଗାଳି
ଯାଶୁ ମାପୁରୁନେ ନି ନିଅମ୍, 2020

The Gata Didayi Testament Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-09

PDF generated using Haiola and XeLaTeX on 18 Mar 2025 from source files dated 9 Apr 2023

cd536811-9eb4-56d5-9546-afaca24c958c